

Dienelkander



Nuusbrief van die Gereformeerde Kerk Potchefstroom-Oos

13 November 2016

OGGENDDIENS: Ds. Piet

Die Here voed vandag ons geestelike lewe met brood en wyn as tekens van die liggaam en bloed van ons Here Jesus waarmee Hy ons in gemeenskap met God gestel het. Almal wat aansoek gedoen het om saam met ons Nagmaal te gebruik word daartoe uitgenooi.

Skriflesing: Psalms 42 en 43

Teks: Psalm 42: 2 en 3

Tema: God voed ons geestelike honger en les ons innerlike dors deur gemeenskap met Christus.

Wat is dit waarna jy smag? Waarna verlang jy hier diep in jou hart? Is daar ook in jou iets wat knaag en in jou binneste kou en jy weet nie hoe om dit vul nie? Dalk dink jy dat die antwoord op jou innerlike behoeftes vervul moet word deur jou huweliksmaat of deur jou kinders? Hulle word die "voedsel" wat die knaagdier in jou moet voed. Of dalk jou vriende wat antwoorde moet bied om jou behoeftes? Lekker kuier en braaivleis is net die medisyne om beter te voel.

Of dalk verlang jy na vakansie en glo dat 'n wegbreuk net die ding sal wees wat hierdie knaagdier in jou hart stil sal maak? Of dalk hoop jy op beter werksomstandighede of 'n groter salaris wat sal maak dat dit met jou

beter gaan? Dalk smag jy na innerlike krag en moed om net aan te kan gaan met jou lewe en soek krag in medisyne, pille, drank of dwelmmiddels wat jou krag gee sodat jy kan aangaan?

Die Here leer ons in hierdie psalm waarna ons moet smag en verlang! Die digter smag na gemeenskap met God! Hy verlang om by God te wees want God alleen kan die gat in jou binneste vul! Hy vul dit met innige gemeenskap deur Jesus Christus. Hy voed jou geestelike honger en les jou innerlike dors met Christus.

Dit is ook wat fisies vandag met Nagmaal gebeur. Nagmaal is 'n voedingsmaaltyd waardeur die Here ons geestelike met die liggaam en bloed van Christus voed en versterk. Hy stil ons honger en les ons dors! Dors jy na die Here? Smag jy na die lewende God? Kom eet en drink en word versadig deur gemeenskap met Christus.

In die lig van die oproep tot 'n dag van verootmoediging (sien berig hieronder) gaan ons erediensliturgie vandag in drie dele ingedeel word:

1. Verootmoediging/ sonde belydenis
2. Verlange en versadiging
3. Vreugde, dankbaarheid en lofprysing

Mag die Here deur sy Woord, Gees en Sakrament ons saamneem in hierdie ontmoeting om dit ook so te beleef tot sy eer.

Verootmoediging

Intreelied: Lied 163: 1; Votum; Seën; Verootmoedigingslied: Ps. 51-2: 1, 2, 3; Nagmaalsformulier oor verootmoediging; Die Wet van die Here uit Eks 20; Gebed om sondevergiffenis: Sing Ps.130-1: 1, 2; Gebed

Verlange (honger en dors) en versadigung (voeding)

Sing Ps. 84-1: 1, 3; Skriflesing; Woordverkondiging; Nagmaallering uit Heidelbegse Kategismus vrae en antwoorde 75 - 78; Sing voor die Nagmaalbediening Ps. 42-1: 1, 5; Nagmaalbediening; Sing aan tafel: Ps. 65-1: 2, 3;

Vreugde, dankbaarheid en loprysing

Lofverheffing; Sing na Nagmaal: Ps. 105-2: 1, 10, 11; Liefdegawes; Geloofsbelidens: 12 Artikels (hardop saam); Sing Ps. 146-2: 1, 5; Seën; Amenlied Sb. 13-3.

AANDDIENS: Ds. Karel

Skrifgedeelte: 1 Konings 19

Teks: 1 Konings 19:11-13

Tema: Wanneer God my toekomslose geloof verander deur 'n hoopvolle visie op die toekoms.

Die Kommissie vir die Beskerming van die Regte van Kultuur-, Taal- en Godsdiensgemeenskappe het in die afgelope week 'n nuwe wetsontwerp voorgehou wat baie gelowiges ontstel het (sien berigging laer af in die Dienelkander). Hierdie wet sou per implikasie inhoud dat sekere dinge wat vir ons as Christene as sonde en verkeerd gesien word, deur die wet beskerm word en dat jy aangekla kan word indien jy net op 'n verkeerde manier iemand daarop sou wys.

As só iets gebeur kan dit veroorsaak dat ons ons visie op die toekoms verloor en dink dat dit die doodsklokke vir ons geloof begin lui. Dit is soortgelyk aan wat Elia beleef het toe hy voor God gestaan het - hy het gedink hy is die enigste een wat oorgebly het. Tog gee God vir hom 'n besonderse hoop vir die toekoms. Kom ons kyk vanaand hierna in die lig daarvan dat God ons vanoggend weer deur die Nagmaal gevoed en hoop gegee het.

Vooraf loprysing

Lied 190: 1, 3 en Lied 464: 1, 3, 4

Ontmoetingsdiens

Intreelied Ps. 36-2: 2, 3; Seën; Lofsang Ps. 29-2: 1, 2, 3, 5; Gebed

Woorddiens

Skriflesing; Woordverkondiging

Antwoorddiens

Sing Ps. 18-2: 1, 4, 9 (2de melodie); Liefdegawes; Sing Sb. 14-2; Seën; Amenlied Sb. 13-2.

OPROEP TOT 'N DAG VAN VEROOTMOEDIGING OP SONDAG 13 NOVEMBER 2016

Hiermee roep Klassis Potchefstroom kragtens Artikel 66 Kerkorde die Kerke wat in die Algemene Sinode Potchefstroom vergader op tot 'n dag van verootmoediging en gebed in die lig van die voortgaande dade van opstand, moord, aanranding, korruksie, bedrog en diefstal wat die openbare orde in gevaar stel. Dat elkeen hom of haar in berou oor sonde en ongeregtigheid verneder (verootmoedig) voor die HERE en smeek om uitkoms van die knellende droogte in soveel gebiede in ons land.

Hiermee word elke lidmaat opgeroep om hom of haarself voor God te verootmoedig en om vas te stel of daar nie in die eie lewe ongehoorsaamheid is waardeur wandade verswyg, aangemoedig of gepleeg

word nie en indien wel om deur die Gees van God te smeek om 'n lewensommekeer.

Dat die Owerheid verseker word van elke gelowige se voorbidding om deur die mag aan hulle verleen met krag op te tree teen enige wandaad wat mag verhoed dat die inwoners van ons Vaderland 'n rustige en 'n stil lewe mag lei.

Dat elke lidmaat versoek word om in alle aspekte van die lewe hulle te beywer vir die voortgang en uitbreiding van God se Koninkryk deur voorbeeld, woord en daad volgens die Woord van God .

Dat elke lidmaat hom of haarself sal verdiep in persoonlike gemeenskap met God deur Skrifstudie en gebed.

Dat as dit die HERE behaag om aan ons uitkoms vanweë die droogte en ons landsomstandighede te verleen, ons lewens van dankbaarheid en lof aan Hom mag getuig vir sy sorg en vertroue vir die toekoms.

MEELEWING

- Sion Steyn (Groep 42 - 072 476 8794) was die week in Wilmedpark Hospitaal opgeneem met brongiospasma wat veroorsaak is deur asma en allergie.
- Br. Dries Schutte (van Marthie - groep 28 - 083 379 9288) ondergaan Dinsdag 'n operasie in Klerksdorp en moet nog later behandeling ontvang vir velkanker.
- Sr. Nansi de Klerk (Groep 1 - 072 199 6339) se kleindogter is ernstig beseer deur 'n perd en is baie siek.

Ons bid dat die Here spoedig beterskap, herstel en troos sal gee.

ONS VRA VOORBIDDING VIR DIE VOLGENDE LIDMATE WAT SUKKEL MET SIEKTE OF SWAK GESONDHEID

Srs Marianne Kruger, Bettie Ras, Janet vd Walt, Hester Buys, Anna Scholtz, brs. Isak vd Walt, Tjaart Snyman, Andy en Blossom Pretorius.

ONDERSTEUNING VIR SIEKES

Vir ondersteuning of besoeke deur die hospitaalbesoeke-diensgroep, skakel hierdie week vir: siekies@oosdoppers.co.za of Marian de Kock

BAIE GELUK

Ds. Koos du Plooy en tannie Jane Oosthuizen het verloof geraak.

ONS GROET

- Dana en Wilmariè du Plessis, wat met attestaat vertrek na Geref. Kerk Potchefstroom.
- Coenie en Lorette Manders en een dooplidmaat wat gemeenskap opsê met die Geref Kerk.

EINDEKSAMENS VIR STUDENTE, Matrieks EN SKOLIERE

Ons wens al ons skoliere, matrieks en studente sterkte toe met die aanvang van julle eindeksamens hierdie week. Ons bid julle sterkte en baie sukses toe. Sterkte ook aan die ouers wat hiermee intens saamleef!

VOORBIDDING GEVRA VIR TEOLOGIESE SKOOL

Die Kuratorium van die Teologiese Skool vergader hierdie week en uiters belangrike sake rakende die toekoms van die TSP moet geneem word. Daar moet ook 'n professor in Ou Testament beroep word. Ons vra lidmate se voorbidding vir hierdie vergadering en sy besluite asook vir al ons finalejaar teologiese studente met 'n spanningsvolle week wat vir hulle voorlê. Ds Piet.

AFKONDIGINGS

Vandag

09:15 Gebedsgroep

09:30 Oggenddiens

Geen kleuterbediening

Geen katkisasie

Tee en Koffie

Nagmaal-ete

Direk na afloop van die oggenddiens neem die ouerlinge en diakens 'n foto asb!

16:00 Kooroefening

18:00 Aanddiens

Maandag

18:00 Kersmark

Dinsdag

06:00 Manne ondersteuningsgroep
(Afsluiting)

Donderdag

18:30 Kassiere Dg vergader

VERJAARSDAE

Baie geluk aan almal wat DV hierdie week verjaar!

Maandag, 14 November

Sr Imke Rheeder 074 467 6956

Dinsdag, 15 November

Jsr Eleonè Fouche

Woensdag, 16 November

Sr Susamarie de Villiers (73) 082 416 3998
Br Deon Duvenage 082 940 8174

Saterdag, 19 November

Br Etienne Delport 079 517 3386

ANDER AFKONDIGINGS

- Liefdegawe vanoggend vir Barmhartigheid
- Gawe by die deure vanoggend vir die Voorsieningsfonds.
- Gawe volgende Sondag vir die Teol. studentekas.
- Vrywillige bydrae vir voertuigsekuriteit in die bussies by die deure.
- Diensbeurte: Groep 37 en 38.

KENNISGEWINGBORD

- Frankfort Riviertoer - 30 Nov - 4 Des 2016 - 'n Bus laai kinders in Potch op en weer af!

"BIBLE STORY TELLING" SEMINAAR

Hierdie seminaar is 'n moet vir ouers, kategete en onderwysers

'n Gemeenskap se waardes word hoofsaaklik deur stories van geslag tot geslag oorgedra. (Deuteronomium 6:6-9)
Hoe dra ek God se Woord oor ?

ONTDEK: Hoe om stories te leer en te vertel. Hoe om Bybelstories aan ander te vertel. Fasiliteer Bybelstudie deur middel van Bybelstories. Gebruik Bybelstories in die bediening van die Evangelie

Fasiliteerde: Malcolm Barker (Wycliffe Advocate and Board Member

Australia

Bible Story Telling Coordinator)

Datum: 2 - 4 Desember 2016

Plek: G5 Saal - Bult Gemeente, Borchardstraat, Potch

Koste: R 300-00 pp (**Registrasie voor 20 Nov 2016 = R270**). Ingelui is: Handleiding, Middag- en aandetes, Tee & koffie.

Registrasie: Sluit 23 November 2016

Voltooï registrasievorm en epos na engela.vdwalt1@gmail.com.

Betaling van registrasiefooi met registrasie voor/op 23 November:

Kontakpersoon: Engela van der Walt. Sel: 0825567806

Sien die volledige inligting op die kennisgewingbord in die Skuur.

RESEPTEBOEK: BULT BAKSELS EN BROUSELS

Resepte en stories vanuit die Gereformeerde Kerk Potchefstroom die Bult! Die Resepteboek, *Bult baksels en brouses*, bevat 'n variasie resepte van slaiae, brode, lambsbredies, 5 minute-disse tot die bekende Pekanneutter wat elke jaar by

Aardklop 'n wenner is! Saamgestel deur oud en jonk, is *Bult baksels en brouses* nou teen R100 p/b beskikbaar. Skakel Eunice by 083 595 8981 om 'n resepteboek te verkry (beperkte voorraad beskikbaar).

DANKIE

Ons wil met oregtheid en dankbaarheid elke persoon bedank vir julle meelewing met Mamma se "verhuis" na die beter PLEK. DANKIE vir elke boodskap en besoek.

Annetjie en Giel Vermeulen

DANKIE

Baie dankie aan elke broer en suster in die geloof met die ondersteuning en liefde wat julle die afgelope week aan ons bewys het. Dit is wonderlik om te weet dat soveel gelowiges vir Sion in gebed aan die Here opgedra het. Die gebed van 'n gelowige het 'n kragtige uitwerk en ons het dit in die afgelope week op 'n besonderse manier beleef.

Karel en Susan.

BAIE DANKIE

Baie dankie aan elkeen wat ons die afgelope maande na operasies en ongesteldheid ondersteun en bemoedig het. Besondere waardering ook aan Ds. Piet vir hospitaalbesoek. Ons loof die Here vir krag, beterskap en genesing op Sy tyd. Sy Genade is vir ons genoeg...

Pieter en Estette Bredenkamp

BEOOGDE WETGEWING

KOMMERSIALISERING VAN GODSDIENS

Ons het as Deputate Owerheid van verskillende lidmate en kerkrade navraag gekry oor die volgende aangeleentheid:

Die Kommissie vir die Beskerming en Bevordering van die Regte van Kultuur-, Taal- en Godsdiensgemeenskappe (Art. 185 van die Grondwet), het 'n dokument

voorberei oor die regeringsregulering van Godsdiensgemeenskappe om kommersialisering en uitbuiting op grond van godsdiens te voorkom. In dieselfde dokument word ook die saak van moontlike vervolging oor haatspraak aangespreek. Die Kommissie het geleentheid gegee vir voorleggings oor die saak tot 18 November.

Die Dagbestuur van die Deputate Owerheid is besig om met die kundige meewerking van Prof. Francois Venter 'n dokument ter voorlegging op te stel. Ons het ook met die verteenwoordigers van die NG en NH Kerke ooreengekom dat die drie kerke via die Tussen Kerklike Raad die voorlegging gesamentlik sal maak. Die dokument van Prof. Venter (en Prof. Nico Vorster) sal dan as basisdokument aan die verteenwoordigers van die ander twee kerke voorgelê word.

As Deputate wil ons ons dank uitspreek aan die Kerkrade en lidmate wat vir ons die fluitjie geblaas het. Ons waardeer dit en moedig dit aan aangesien ons as Deputate die werk heeltemal deeltjys doen en iets maklik op die grond kan val.

Ds. Cassie Aucamp (Skriba); Prof. Nico Vorster (Voorsitter)

FONDSINSAMELING: BYBELGENOOTSKAP

Baie dankie aan elkeen wat bygedra het vir hierdie fondsinsameling vir Bybelverspreiding. Ons het R3445-00 ingesamel om aan die Bybelgenootskap oor te betaal.

BEROEOPENUUS

BEROEP AANVAAR: Proponent W Brotherton (Werner) na Vryheid

PROJEKTE



MOOIRIVIER KERSMARK

25 Nov - 3 Des 2016

Fokus saam met ons op ons mark, sodat ons dit suksesvol kan aanpak en voorbereid kan wees!

Slegs 1 week en 3 dae oor voordat ons Kersmark afskop!

Lieve Gemeente, ons het jul hulp nodig.

Hulphyste

Hulphyste is vanaf vandag in die voorportaal waarop julle jul name skryf om ons te help. Dit is 'n wonderlike geleentheid, nie net om ons gawes in die gemeente aan te wend nie, maar ook om mekaar beter te leer ken. Onthou almal kan help!

Borge

Ons wil graag van die geleentheid gebruik maak om ook lidmate wat as borge optree te bedank: *Mooirivier Aptek, Dr Gerrit J v Rensburg, Walter Plotz, Dana Schutte, Dr. Gideon Scholtz, Janus Earle, Harriet vd Walt, Sanet Ras, Hanlie Pieters en 'n anonieme lidmaat.*

Lidmate wat borg met items/skenkings van produkte: *Gerhard Turkstra en Pierre Viviers.*

Ons huidige buite-borge is: *Argo SA, Mooirivier Beskerming en 'n anonieme borg.*

Lidmate is welkom om vir Janus en Stephanie Earle te kontak om as borg op te tree. (082 564 6251 / 083 690 3404)

Bemarking - Help hiermee asb! Venster Plakkate!!! Neem asseblief een!

Hierdie 1 week is bemarkingstyd en ons benodig altyd hulp daarmee bv plakkate opsit, vensterplakkate en pamphlette te versprei asook elektronies te versprei ens. Praat met Kiewiet Scheppel hieroor indien jy kan en wil help!

Benodig

Ons benodig AA-batterye vir dekor. Skenkings (1 pakkie per gesin) sal baie waardeer word. Plaas dit asb in die boksie in die voorportaal van die kerk voor of op 6 November.

Ons vra ook of daar nie dames is wat huishulpe van 17:00 tot 21:00 tydens die Kersmark, kan "borg" nie. Kontak Ina Jordaan asb.

SOSIALE MEDIA VIR ONS GEMEENTE

Webblad:

www.oosdoppers.co.za



Facebook:

www.facebook.com/oosdoppers



Ons wil ook graag 'n vriendelike versoek rig dat u nie op die gemeente se elektroniese sms-stelsel terug antwoord nie, maar asseblief die kerkkantoor bel of 'n e-pos stuur, aangesien dit 'n rekenaar-sms is.

Karel se preke kan ook aanlyn besigtig word by

<http://karelsteyn.blogspot.co.za/>



KONTAKBESONDERHEDE: PREDIKANTE & KANTOOR

Ds. Piet: 018 290 5635 / 082 779 1237

Ds. Karel: 018 294 3067 / 072 476 8794

Kerkkantoor: 018 290 7690

Susters



TEESKINKGELEENTHEID

Tee word **vandag** in die Skuur bedien onder die leiding van Marlise Styger (Groep 8), Marna Naudè (Groep 10) en Groep 21.



Volgende week skink Wilma Viviers (Groep 11), Kinny Yssel (Groep 12) en Elsie Buijs (Groep 22) tee.

Baie dankie aan die groepsusters en hulle groepe se susters en broers wat met die skink en opwas help! **Ons moedig susters en broers aan om te kom help met die skink en opwas - so leer ons mekaar en ons nuwe groepe beter ken!**

SUSTERSBYDRAE

Die susters se fondse word verkry uit elke suster se vrywillige bydrae (R150 per jaar) en die fondse wat geïn word tydens fondsinsamelingsgeleenthede. Hierdie geld word gebruik om uit te reik na minderbevoorregtes en daar word jaarliks aan verskillende verdienstelike instansies, hoofsaaklik in Potchefstroom, donasies gegee.



BLIKKIES-WARMHARTE

Die doel van die blikkies (wat jy in die voorportaal van die kerk kan kry) is dat almal hulle lastige kleingeld in 'n blikkie sal goo en die vol blikkie dan in die voorportaal van die kerk sal neersit. Die geld word dan gebruik om blomme of iets toepaslik aan te koop vir iemand wat deur beproeing gaan. Baie dankie aan almal wat so getrou vir ons die vol blikkies bring.

MELKFONDS


Ons gemeente is bevoordeel om elke Sondag 'n heerlike kopje melkkoffie of tee te geniet na die erediens. Ons herinner graag alle lidmate aan ons melkfondshouers by die bedieningspunte. Hierdie melkfonds word gebruik om huis in hierdie voorreg te voorsien. Graag vra ons vir enige donasies wanneer daar weer heerlik gekuier word rondom 'n kopje koffie of tee. Die donasies kan in die houers geplaas word en so verseker ons ook elke week se lekker saamkuier na die erediens.

NAGMAALETE

Baie dankie aan Blok C se blokleiers en susters wat ons vandag bederf met 'n heerlike ete!

SUSTERS: KWARTAALPROGRAM

DATUM	DAG	TYD	WIE	WAT
13-Nov	Sondag	12:00	Blok C	Nagmaal-ete
25Nov-3Des	Sat - Sat	07:00 tot 20:00	Almal	Moorivier Kersmark
27-Nov	Sondag	18:00	Almal	Kerssangdiens



OOSDOPPERTJIE-NUUS

JY MOET GOED DOELBEWUS LIEFHê

Josua 23:11 "Konsentreer daarop om die Here julle God lief te hê."



As jy daarvan hou om rekenaarspeletjies te speel, probeer jy seker so gereeld speel as wat jy kan. Jy loop nie net verby die rekenaar en kyk so een keer elke tweede maand in die rigting daarvan nie. Dieselfde is waar van God. Jy moet nie net nou en dan aan God dink nie, Hy behoort elke dag deel van jou lewe te wees. Maak seker dat jy God doelbewus liefhet. Dit beteken dat jy nie lui raak en vergeet om Hom elke dag lief te hê nie. 'n Paar maniere hoe jy kan wys dat jy God liefhet, is deur sy Woord te lees, te bid en met Hom te praat. Jy kan ook ander mense help net soos Jesus ander gehelp het.

Dankie aan ons borg van die week!



Sanet Ras Prokureurs

OPSTEL VAN TESTAMENTE.
BEREDDERING VAN BOEDELS.
ALLE EIENDOMSTRANSAKSIES.

Van Riebeeckstraat 101, Potchefstroom
Tel: (018) 294-8953 k/u